

KNI A/S pillugu Inatsisartut peqqussutaata allanngortinneqarneranik Inatsisartut peqqussutaat (Aktiaatinik il.il. nioqquteqarsinnaanermut piginnaatitsineq)

Pilersuineq, angalanneq, angallassineq, allakkerineq il.il. pillugit Kalaallit Nunaanni inatsit nr. 469, 6. november 1985-imeersoq naapertorlugu aalajangersarneqarpoq:

§ 1.

KNI A/S pillugu Inatsisartut peqqussutaanni nr. 4, 6. juni 1997-imeersumi makku allanngortinneqarput:

1. § 1-imi imm. 6-itut ilanngunneqassaaq:

" Imm. 6. Aktiaateqarluni ingerlatseqatigiiffiit pillugit inatsimmi § 2 naapertorlugu ingerlatseqatigiiffiup aqutsisup ingerlatseqatigiiffimmik aqutamut attuumassuteqarneratut ittumik Namminersornerullutik Oqartussat ingerlatseqatigiiffinnut imm. 3-imi taaneqartunut attuumassuteqartillugit peqqussut manna atuuttassaaq."

2. § 3-p kingorna § 3 atut ikkunneqassaaq:

" § 3 a. KNI A/S-ip ingerlatseqatigiiffiit aqutaanni aktianik nioqquteqarnissaminnut imaluunniit ingerlatseqatigiiffiit taakku kattussinikkut agguinikkulluunniit il.il. suliffeqarfimmik tigusinermut peqataanissaannut akuersinissaminnut naalakkersuisut piginnaatinneqarput.

Imm. 2. KNI A/S-ip ingerlatseqatigiiffiit aqutaanni aktianik nioqquteqarneq imaluunniit ingerlatseqatigiiffiit taakku kattussinikkut agguinikkulluunniit il.il. suliffeqarfimmik tigusinermut peqataanerat pisinnaavoq iliuuseqarnerup kingorna aktiaateqarluni ingerlatseqatigiiffiit pillugit inatsimmi § 2 naapertorlugu ingerlatseqatigiiffiup aqutsisup ingerlatseqatigiiffimmik aqutamut attuumassuteqarneratut ittumik Namminersornerullutik Oqartussat ingerlatseqatigiiffimmu attuumassuteqarnerunnaarnerat naapertorlugu."

§ 2.

Inatsisartut peqqussutaat ulloq 1. juni 2001 atuutilerpoq.

Jonathan Motzfeldt

/

Simon Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut